

פרק קמה

(א) תהלה לְדוֹד אַרְוֹמֶמְךָ אֱלוֹהֵי הַמֶּלֶךְ וְאַבְרָכָה שְׁמֶךָ לְעוֹלָם וְעַד: (ב) בְּכָל יוֹם אַבְרָכְךָ וְאַהֲלֵלָה שְׁמֶךָ לְעוֹלָם וְעַד: (ג) גְּדוֹל יְהוָה וּמְהֵלֵל מְאֹד וְלִגְדֹלְתוֹ אֵין חֶקֶר: (ד) דוֹר לְדוֹר יִשְׁבַח מַעֲשֵׂיךָ וּגְבוּרָתֶיךָ יִגִּידוּ: (ה) הֵדֵר כְּבוֹד הוֹדֶךָ וְדַבְרֵי נִפְלְאוֹתֶיךָ אֲשִׁיחָה: (ו) וְעִזּוֹז נוֹרְאוֹתֶיךָ יֹאמְרוּ וּגְדֻלוֹתֶיךָ {וּגְדֻלְתֶּךָ} אֲסַפְּרָנָה: (ז) זָכַר רַב טוֹבָךָ יִבְיָעוּ וְצַדִּיקְתֶּךָ יִרְנְנוּ: (ח) חֲנוּן וְרַחוּם יְהוָה אַרְךָ אַפִּים וּגְדֹל חֶסֶד: (ט) טוֹב יְהוָה לְכָל וְרַחֲמָיו עַל כָּל מַעֲשָׂיו: (י) יוֹדוּךָ יְהוָה כָּל מַעֲשֵׂיךָ וְחִסְדֵיךָ יִבְרָכֶכָה: (יא) כְּבוֹד מַלְכוּתֶךָ יֹאמְרוּ וּגְבוּרָתֶךָ יִדְבְּרוּ: (יב) לְהוֹדִיעַ לְבָנֵי הָאָדָם גְּבוּרָתוֹ וּכְבוֹד הֵדֵר מַלְכוּתוֹ: (יג) מַלְכוּתֶךָ מַלְכוּת כָּל עֲלָמִים וּמִמְשַׁלְתֶּךָ בְּכָל דוֹר וָדוֹר: (יד) סוֹמֵךְ יְהוָה לְכָל הַנִּפְלְאִים וְזוֹקֵף לְכָל הַכַּפּוּפִים: (טו) עֵינַי כָּל אֵלֶיךָ יִשְׁבְּרוּ וְאַתָּה נוֹתֵן לָהֶם אֶת אֲכָלָם בְּעֵתוֹ: (טז) פּוֹתַח אֶת יָדְךָ וּמִשְׁבִּיעַ לְכָל חַי רְצוֹן: (יז) צַדִּיק יְהוָה בְּכָל דַּרְכָּיו וְחִסִּיד בְּכָל מַעֲשָׂיו: (יח) קָרוֹב יְהוָה לְכָל קֹרְאָיו לְכָל אֲשֶׁר יִקְרָאֵהוּ בְּאֵמֶת: (יט) רְצוֹן יִרְאִיו יַעֲשֶׂה וְאֵת שׁוֹעֲתָם יִשְׁמַע וַיּוֹשִׁיעֵם: (כ) שׁוֹמֵר יְהוָה אֶת כָּל אֲהַבָּיו וְאֵת כָּל הַרְשָׁעִים יִשְׁמִיד: (כא) תְּהִלַּת יְהוָה יִדְבֹר פִּי וַיְבָרֶךְ כָּל בֶּשֶׂר שֵׁם קִדְשׁוֹ לְעוֹלָם וְעַד: